



ლანჩხუთის მუნიციპალიტეტის საკრებულო



წერილის ნომერი: 31-31251471
თარიღი: 27/05/2025

ადრესატი:

ბესიკ ტაბიძე
ლანჩხუთის მუნიციპალიტეტის საკრებულო-საკრებულოს თავმჯდომარე

ლანჩხუთის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ სხდომის ოქმი N 4

ქ. ლანჩხუთი

23.05.2025 წელი

14:00 საათი

სხდომას ესწრებოდა: ფრაქცია „ერთიანი ნაციონალური მოძრაობის“ თავმჯდომარე:
კახაბერ ასკურავა.

ფრაქციის წევრები: ირმა მგელაძე, გიორგი გოგუაძე, გივი ცინცაძე.

სხდომას ესწრებოდა მოწვეული სტუმრები: მერიის ადმინისტრაციული და სამართლებრივი უზრუნველყოფის სამსახურის უფროსი **შოთა ჩაგუნავა**, მერიის ქონების მართვის და სოფლის მეურნეობის სამსახურის უფროსი **ირაკლი ხუხუნაიშვილი**, ა(ა)იპ ლანჩხუთის მუნიციპალიტეტის „სკოლამდელი საგანმანათლებლო-სააღმზრდელო ცენტრის“ ხელმძღვანელის მოვალეობის შემსრულებელი **მარინა კეიძია**. საკრებულოს აპარატის საორგანიზაციო განყოფილების მთავარი სპეციალისტი **საზოგადოებასთან ურთიერთობის საკითხებში ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ხათუნა ვადაჭკორია**.

ფრაქციის სხდომის თავმჯდომარემ, კახაბერ ასკურავამ სხდომას გააცნო დღის წესრიგის პროექტი:

1. „საქართველოს კანონით „საქართველოს ადმინისტრაციულ სამართალდარღვევათა კოდექსი“, საქართველოს კანონით „ნარჩენების მართვის კოდექსი“ და საქართველოს ორგანული კანონით „საქართველოს საარჩევნო კოდექსი“ გათვალისწინებულ ცალკეულ სამართალდარღვევაზე საჯარიმო ქვითრის - ადმინისტრაციული სამართალდარღვევის ოქმის ფორმის შედგენის, გამოყენებისა და აღრიცხვა-ანგარიშგების წესის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 24 აგვისტოს N17 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვის შესახებ.

/მომხსენებლები: კახაბერ ასკურავა; შოთა ჩაგუნავა/

2. „ლანჩხუთის მუნიციპალიტეტის საკუთრებაში არსებული უძრავი ქონების, პირდაპირი განკარგვის წესით, სასყიდლიანი სარგებლობის უფლებით გადაცემაზე მერისთვის თანხმობის მიცემის შესახებ“ ლანჩხუთის მუნიციპალიტეტის საკრებულოს პროექტის განხილვის თაობაზე.

3. სხვადასხვა საკითხები.

ფრაქციის თავმჯდომარემ, კახაბერ ასკურავამ კენჭი უყარა დღის წესრიგის პროექტს.

მომხრე - 4 ; წინააღმდეგი არცერთი.

1. დღის წესრიგის პირველი საკითხი: „საქართველოს კანონით „საქართველოს ადმინისტრაციულ სამართალდარღვევათა კოდექსი“, საქართველოს კანონით „ნარჩენების მართვის კოდექსი“ და საქართველოს ორგანული კანონით „საქართველოს საარჩევნო კოდექსი“ გათვალისწინებულ ცალკეულ სამართალდარღვევაზე საჯარიმო ქვითრის – ადმინისტრაციული სამართალდარღვევის ოქმის ფორმის შედგენის, გამოყენებისა და აღრიცხვა-ანგარიშგების წესის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 24 აგვისტოს N17 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ადმინისტრაციული და სამართლებრივი უზრუნველყოფის სამსახურის უფროსმა შოთა ჩაგუნავამ. მან განმარტა, რომ საქართველოს მთავრობის ადმინისტრაციის იურიდიულმა დეპარტამენტმა, საქართველოს მთავრობის ადმინისტრაციის 2025 წლის 16 აპრილის N GOV 9 25 00009548 წერილის თანახმად, თავისი კომპეტენციის შესაბამისად, უზრუნველყო ლანჩხუთის მუნიციპალიტეტის საკრებულოს მიერ მიღებული ნორმატიული აქტის, კერძოდ „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის გახმაორციელებელი M2 და M3 კატეგორიების ავტოსატრანსპორტო საშუალებებით, უბილეთო მგზავრობისათვის ელექტრონული საჯარიმო ქვითრის ფორმის, მისი შინაარსის, შედგენის, გამოყენების, შენახვის, ჩაბარების, აღრიცხვა-ანგარიშგებისა და გასაჩივრების წესის დამტკიცების შესახებ“ ლანჩხუთის მუნიციპალიტეტის საკრებულოს 2025 წლის 27 მარტის №9 დადგენილების სამართლებრივი ექსპერტიზა და მასთან დაკავშირებით გამოავლინა, მუნიციპალიტეტის მხრიდან გასათვალისწინებელი შენიშვნები. ზემოაღნიშნულიდან გამომდინარე, მიზანშეწონილად არის მიჩნეული, რომ ლანჩხუთის მუნიციპალიტეტში, სასკ-ის 130-ე მუხლის მე-4 ნაწილის „ა“ ქვეპუნქტით გათვალისწინებულ სამართალდარღვევის განმხილველ უფლებამოსილ ორგანოდ განისაზღვროს, მკს „ლანჩხუთის სატრანსპორტო კომპანია“ და აღნიშნული დაზუსტება აისახოს, ლანჩხუთის მუნიციპალიტეტის მიერ გამოცემულ შესაბამის სამართლებრივ აქტებში, რომლითაც დარეგულირებულია ადმინისტრაციულ სამართალდარღვევის წარმოებასთან დაკავშირებული საკითხი. ადგილობრივი თვითმმართველობის კოდექსის“ საქართველოს ორგანული კანონის 132-ე მუხლის შესაბამისად, დადგენილ ვადებში, კანონმდებლობით გათვალისწინებული ღონისძიებების გატარების მიზნით, განსახილველად წარმოგიდგენთ, „საქართველოს კანონით „საქართველოს ადმინისტრაციულ სამართალდარღვევათა კოდექსი“, საქართველოს კანონით „ნარჩენების მართვის კოდექსი“ და საქართველოს ორგანული კანონით „საქართველოს საარჩევნო კოდექსი“ გათვალისწინებულ ცალკეულ სამართალდარღვევაზე საჯარიმო ქვითრის – ადმინისტრაციული სამართალდარღვევის ოქმის ფორმის შედგენის, გამოყენებისა და აღრიცხვა-ანგარიშგების წესის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 24 აგვისტოს N17 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების პროექტს. ზემოაღნიშნული გათვალისწინებით, მიზანშეწონილია საკრებულომ განიხილოს და მიიღოს ლანჩხუთის მუნიციპალიტეტის მერიის სამართლებრივი უზრუნველყოფის განყოფილების მიერ მომზადებული შესაბამისი ნორმატიული აქტის ცვლილების პროექტი, ვინაიდან ნორმატიული აქტის მისაღებად საკრებულომ უნდა დაიწყოს ადმინისტრაციული წარმოება, განყოფილების მიერ მომზადდა შესაბამისი განკარგულების პროექტიც, რომლის მიღება გამოიწვევს ადგილობრივი ბიუჯეტის შემოსავლების ზრდას და არ გამოიწვევს ადგილობრივი ბიუჯეტის ხარჯების ზრდას.

სხდომის თავმჯდომარემ, კახაბერ ასკურავამ კენჭი უყარა დადგენილების პროექტს.

მომხრე 4; წინააღმდეგი არცერთი.

2. დღის წესრიგის მეორე საკითხი: ლანჩხუთის მუნიციპალიტეტის საკუთრებაში არსებული უძრავი ქონების, პირდაპირი განკარგვის წესით, სასყიდლიანი სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ქონების მართვის და სოფლის მეურნეობის სამსახურის უფროსმა ირაკლი ხუზუნაიშვილმა. მან განმარტა, რომ ლანჩხუთის მუნიციპალიტეტს 2025 წლის 7 მაისს N 51 წერილით (კანცელარიის N 10/302512867-30წ.) მომართა ა(ა)იპ „ ოდა ქეარი-ს (ს/კ 437373156) დირექტორმა ვერა წულაძემ. რომელიც ითხოვს ქ.ლანჩხუთში, ნინოშვილის ქუჩა 37-ში მდებარე უძრავი ქონების 239,17 კვ.მ. ფართის (ს/კ27.06.52.141.01.500) სასყიდლიანი სარგებლობით, ქირავნობის ფორმით გადაცემას. ზემოთ აღნიშნული ფართი ა(ა)იპ „ ოდა

ქეარი“ -ს (ს/კ 437373156) 2022 წლის 19 სექტემბერს 2 წლის ვადით უსასყიდლო სარგებლობით უზუფრუქტის ფორმით 2024 წლის სექტემბერში ხელშეკრულებას ვადა გაუვიდა. ა(ა)იპ „ოდა ქეარი“ ახორციელებს ბავშვთა ადრეული განვითარების ასევე პერსონალური ასისტენტის და შინმშენის პროგრამების სერვისს. ყოველივე ზემოთ თქმულიდან გამომდინარე ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის მოსაზრებაა გაიცეს პირდაპირი განკარგვის წესით ქირავნობის ფორმით, ლანჩხუთის მუნიციპალიტეტის საკუთრებაში არსებული ქ. ლანჩხუთში, ნინოშვილის ქუჩა N 37- ში მდებარე უძრავი ქონება 239,17 კვ.მ. ფართი (ს/კ 27.06.52.141.01.500) და მის წლიურ ქირის ოდენობად განისაზღვროს საპრივატიზებო ღირებულების 198 750 (ასოთხმოცდათვრამეტი ათას შვიდას ორმოცდაათი) ლარის 7% -ის ოდენობით რაც შეადგენს 13 912,5 (ცამეტი ათას ცრაას თორმეტი ლარი და ორმოცდაათი თეთრი) ხოლო ყოველთვიური ქირა შეადგენს 1 159,37 (ათას ასოთხმოცდაცხრამეტი ლარი და ოცდაჩვიდმეტი თეთრი), ხელშეკრულების ვადად განისაზღვროს ხელშეკრულების გაფორმებიდან 2 (ორი) წელი. პროექტის მიღება გამოიწვევს ადგილობრივი ბიუჯეტის შემოსავლების ზრდას და არ გამოიწვევს ადგილობრივი ბიუჯეტის ხარჯების ზრდას.

სხდომის თავმჯდომარემ, კახაბერ ასკურავამ კენჭი უყარა განკარგულების პროექტს.

მომხრე 4; წინააღმდეგი არცერთი.

3. სხვადასხვა

1. ფრაქციის თავმჯდომარე **კახაბერ ასკურავა** დაინტერესდა, ა(ა)იპ ლანჩხუთის მუნიციპალიტეტის „სკოლამდელი საგანმანათლებლო-სააღმშრდელო ცენტრში“ რამდენ სააღმშრდელო ცენტრშია შეჩერებული საგანმანათლებლო პროცესი და რა იგეგმება სამომავლოდ პრობლემის მოსაგვარებლად.

ა(ა)იპ ლანჩხუთის მუნიციპალიტეტის „სკოლამდელი საგანმანათლებლო-სააღმშრდელო ცენტრის“ ხელმძღვანელის მოვალეობის შემსრულებელმა **მარინა კეიდიამ** განაცხადა, რომ შრომისუბნის და გულიანის საბავშვო ბაღების მშენებლობა თითქმის დასრულებულია და ახალი სასწავლო წლისთვის გაიხსენება.

ჩიბათის სააღმშრდელო ცენტრის ჯგუფები დროებით ლესაშია განთავსებული, ხოლო ნიგვზიანის ჯგუფი - ხაჯალიის ბაღშია გადაყვანილი.

პრობლემაა შრომისუბნის, ეწრის და ნინოშვილის ბაღები. ეს სოფლები ერთმანეთთან შორი მანძილით არიან დაშორებული და ვერ ხერხდება მათი ერთ საერთო შენობაში განთავსება. ასევე მშობლებთან კომუნიკაცია ვერ მოხერხდა, უარი განაცხადეს ტრანსპორტირებაზე.

დრმაღელის საბავშვო ბაღი თითქმის დასრულებულია, მიმდინარე წელს შესაძლებელი იქნება სამუშაო პროცესის დაწყება, კონტინგენტის მიღებაც გამოცხადებულია. ამდენად შრომისუბნის აღსაზრდელები შეუერთდება მათ. ტრანსპორტირებაც შესაბამისად მოგვარებული იქნება.

ნიგვზიანის ბაღიც თითქმის დასრულებულია, ის განთავსებული იყო ხაჯალიაზე. უკვე ხაჯალიაზე მის ნაცვლად შევა ჯურუყვეთი. ნინოშვილიც თითქმის დასრულებულია, ავეჯიც კი მოტანილია და შეუერთდება ეწრის სააღმშრდელო ჯგუფი.

ირმა მგელაძემ განაცხადა, რომ გასულ წლებში როდესაც საუბრობდნენ ტრანსპორტირების მოგვარებას, აწყდებოდნენ წინააღმდეგობას უსაფრთხოების გამო, რა შეიცვალა ამ კუთხით.

მარინა კეიდიამ განმარტა, რომ ბავშვთა გადაყვანისთვის უსაფრთხოების ნორმები დაცული იქნება, ტრანსპორტზე გამოცხადდება ტენდერი, რომელიც მოწესრიგებული იქნება, ბავშვებს ეყოლებათ გამყოლი პედაგოგის და მშობლის სახით.

კახაბერ ასკურავა დაინტერესდა 2024-25 სასწავლო წლის პროცესის დაწყებისას იყვნენ თუ არა ინფორმირებულები რომ ეწრის, ჯურუყვეთის, ჩიბათის და შრომისუბნის საბავშვო ბაღების დემონტაჟი განხორციელდებოდა.

მარინა კეიდიამ განმარტა, რომ ცნობილი იყო ბაღების რეაბილიტაცია და ექსპერტიზის დასკვნის საფუძველზე მოხდა მათი დემონტაჟი.

კახაბერ ასკურავამ გამოთქვა მოსაზრება, რომ ათობით ბავშვი და მშობელი დადგა პრობლემის წინაშე, მათი სასწავლო პროცესი გაჩერდა. რატომ ვერ მოგვარდა პრობლემა, რომ სასწავლო პროცესი არ შეჩერებულიყო.

მარინა კედიამ განმარტა, რომ სააღმზრდელო ცენტრმა იმსჯელა მშობლებთან, მენეჯერებთან და ტერიტორიული სიშორის გამო უარი განაცხადეს ტრანსპორტირებაზე, არჩიეს სააღმზრდელო პროცესი შეჩერებულიყო.

2. **კახაბერ ასკურავამ** განაცხადა, რომ ფრაქცია „ერთიანი ნაციონალური მოძრაობის“ წევრებმა ლანჩხუთის მუნიციპალიტეტის მერს უამრავჯერ მიმართეს წერილობით, სხვადასხვა პრობლემურ საკითხებზე. რაზეც რეაგირება არ მოუხდენიათ და პასუხი არ დაბრუნებულა. ფრაქცია მიზანშეწონილად მიიჩნევს, რომ ეს არის სამართალდარღვევა და აუცილებლად მიმართავენ სასამართლოს.

ამით ფრაქციამ მუშაობა დაასრულა.


პატივისცემით,

კახაბერ ასკურავა

ლანჩხუთის მუნიციპალიტეტის საკრებულო-საკრებულოს ფრაქცია „ერთიანი ნაციონალური მოძრაობა“-საკრებულოს ფრაქცია "ერთიანი ნაციონალური მოძრაობა" თავმჯდომარე

ლანჩხუთის მუნიციპალიტეტის საკრებულოს ფრაქცია
„ერთიანი ნაციონალური მოძრაობის“ წევრების

სარეგისტრაციო ფურცელი
23.05.2025 წელი
14.00 საათი

სახელი, გვარი	დაწყების დრო	ხელმოწერა
1. თავმჯდომარე – კახაბერ ასკურავა	14 ⁰⁰	
2. გიორგი გოგუაძე	14 ⁰⁰	
3. ირმა მგელაძე	13 ⁵⁵	
4. გივი ცინცაძე	14 ⁰⁰	